



謝朓集目錄

卷第一

賦凡九首

酬德賦并序

七夕賦

杜若賦

遊後園賦

擬宋玉風賦

樂歌

雩祭歌八首

迎神八章

思歸賦并序

高松賦

野鶩賦并序

臨楚江賦

世祖武皇帝三章

板匡
(公分)

18.6×13.4

國立中央圖書館, NATIONAL CENTRAL LIBRARY, TAIWAN, R.O.C.

09409
1册

國立中央圖書館藏善本	
書碼:	集部別集類 之屬
書名:	謝朓集
著者:	南齊謝朓撰 五卷 一册
版本:	明嘉靖丁酉(十六年)寧國知府黎晨刊本

清道光庚寅(十年)龔文照手校並跋

青帝三言

赤帝七言

黃帝五言

白帝九言

黑帝六言

送神三言

詩四言凡三首

侍宴華光殿曲水奉敕爲皇太子作

三日侍宴華光殿曲水代人應詔

三日侍宴曲水代人應詔

卷第二

雜曲凡四十三首

隋王鼓吹曲十首

元會曲
郊祀曲

鈞天曲右三曲
頌帝功

入朝曲

出藩曲右三曲
頌藩德

從戎曲送遠曲

登山曲泛水曲
右四曲

同沈右率諸公賦鼓吹曲名凡十一首

芳樹三首
當對酒

臨高臺二首
巫山高三首

有所思二首

同江檀諸人賦雜曲名凡二十一首

陽春曲淶水曲

採菱曲白雪曲

秋竹曲

永明樂十首

玉階怨

金谷聚

王孫遊

銅爵怨

江上曲

曲池之水

同謝諮議詠銅爵臺

卷第三

雜詩五言凡四十三首

將發石頭上烽火樓

荅王世子

荅張齊興

荅王晉安

暫使下都夜發新林至京邑贈西府同僚

始出尚書省

直中書省

觀朝雨

新亭渚別范零陵雲

之宣城郡出新林浦向板橋

始之宣城郡

宣城郡內登望

冬日晚郡事隙

後齋廻望

落日悵望

望三湖

遊山

賽敬亭山廟喜雨

祀敬亭山廟

遊敬亭山

賦貧民田

與江水曹至濱干戲

送江曹還遠館

送江兵曹檀主簿朱孝廉還上國

臨溪送別

將遊湘水尋句溪

忝後湘州與宣城吏民別

休沐重還丹陽道中 移病還園示親屬

出下館 遊東田

秋夜講解 秋夜

春思 治宅

冬緒羈懷示蕭諮議虞田曹劉江二常侍

懷故人 夜聽妓 二首

京路夜發 晚登三山還望京邑

高齋視事 郡內高齋開望蒼呂法曹

卷第四

雜詩 凡四十六首

和蕭中庶直石頭 直石頭 梁武帝蕭衍附

奉和竟陵王同沈右率過劉先生墓

登山望雷居士精舍同沈右衛過劉先生墓下作

竟陵王 蕭子良 經劉歊墓下 隨郡王蕭子

虞炎奉和 柳惲奉和

沈約奉和 離夜 江丞王

和沈右率諸君 沈虞諸人餞詩附

和王長史臥病 王臥疾詩附

和沈祭酒行園 沈行園附

和江丞北戍瑯琊城 江丞附

和徐都曹出新亭渚 徐詩附

和劉中書入琵琶峽望積布磯 劉詩附

在郡臥病呈沈尚書 沈答詩附

和何議曹郊遊二首 和劉西曹望海臺

和王中丞聞琴 和伏武昌登孫權故城

夏始和劉潺陵 和宋記室省中

和王著作融八公山 和王主簿季哲怨情

和王主簿二首 同王主簿有所思

落日同江儀曹 和紀參軍服散得益

新治北窻和何從事 同羈夜集

卷第五

雜詩 凡四十首

奉和隨王殿下十六首

詠風 詠竹

詠薔薇 詠蒲

詠兔絲 詠落梅

遊東堂詠桐 詠牆北梔子

同詠樂器 三首 琴

琵琶 鏡

同詠坐上器 二首

烏皮隱几 竹檳榔盤

同詠坐上所見一物 凡十一首

席二首 幔

簾

竹火籠二首

鏡臺

燈

燭

詠邯鄲故才人嫁為厮養卒婦

詠鷓鴣

聯句 凡七首

阻雪

還塗臨渚

紀功曹中園

閒坐

侍筵西堂落日望鄉

祀敬亭山春雨

往敬亭路中

謝朓集目錄終

宋孝武皇帝



國家圖書館, NATIONAL CENTRAL LIBRARY, TAIWAN, R.O.C.

宋刊本前有紹興丁丑秋七月程東陽妻炤跋序

謝眺集卷第一

和成九霞真遠龔文照校定

直隸寧國府知府任丘黎晨校刊

賦

宋本全言體格每葉二十行行十八字目次行款此賦題其

酬德賦并序

右衛沈侯以冠世偉才眷予以國士以建武二年予將南牧見贈五言予時病既以不堪蒞職又不獲復詩四年予忝役朱方又致一首迫東偏寇亂良無暇日其夏還京師且事讌言未遑篇章之思沈侯之麗藻天逸固難以報章且欲申之賦頌得其盡體物之旨詩不云乎無言不酬無德不報言既未敢為酬然所報者寡于德耳故稱之酬德賦其辭曰

謝眺

卷第一

一

一

一



嗟夫四時游之代序六龍驚而不息輕蓋靡于駿奔玉衡
勞于拊翼嗟歲晏之彫歡曾陰默以悽惻玄武伏於重介
宛虹潛以自匿覽其物之用舍相羣芳之動植弔悴軀於
羣省理衣簪而自救思披文而信道散奮邁於胸臆嗟民
生之知用知莫深于知己彼知己之爲深信懷之其何已
牽弱葛之蔓延寄陵風於松杞指柏蓬之直達固有憑於
原泉彼排虛與蹶實又相鳴於林沚興伐木於友生詠承
筐于君子矧景行之在斯方寄言于同耻求相仁于積習
寓神心于名理惟敦梓之旅歲實興齊之二六奉武運之
方昌觀休風之未淑龍樓儼而洞開梁邱煥其重複君奉
筆於帝儲我曳裾於皇穆藉風雲之化景申遊好於蘭菊

結德言而爲佩帶芳猷而爲履接雅範以自綬懿前修之
所謂昔仲宣之發議實中郎之倒屣及士衡之籍甚托壯
武之高義有杞梓之貞心協丹采之輝被伊吾人之陋薄
雖黼藻之何賞惟風雅之未變知雲網之不廓譬曾棟之
將傾必羣榱之先落譬明離以上賓屬傳體於織葦周二
輝而分崩擠九鼎於重壑雖魚鳥之欲安駭風川而迴薄
微天道之布新嗟員首其馬託予寤迹以多媿塊離尤而
獨處君紆組於名邦貽話言於川渚悵分手於東津望徂
舟而延佇慮古今之爲隔豈山川之云阻賴先德之龍興
奉英靈之電舉事紫泥之密勿腰青緇而容與沾後惠以
竭來竟卒獲其咲語我艤舟以命徒將泊徂於南夏既曷

予以烟戒又引之以風雅若笙簧之在聽雖舒憂而可假
昔店病於章濱思繼歌而莫寫思靈降之未已奉京粉而
作傳臨邦途之永陌懷予馬於騏驎望平津而出宿登崇
岡而興賦顧歸憶之南迴引行鑣而東驅何瓌才之博侈
申贈辭於萱樹指代匠而切偲比治素而引喻方含毫而
報章迫紛埃之東鶩釋末位以言歸忽乘驛以南赴連篇
章之莫訓欲寄言於社句類殺翮之難矯似洞源之不住
意搔搔以杼袖魂營營而馳驚爾腰戟於戎禁我拂劔於
郎闈願同車以日夜城望昏而掩扉時遊盤以未極卷落
景之徂輝若清顏之倏忽各歡賞之多違排重關一作而
休告知南館之有依驂職門以右轉僕望路其如歸忘清

漏之不緩借曉露之方晞聞夫君之東守地隱蓄而懷僊
登金華之問道得石室之名篇悟寰中之迫脅欲輕舉而
舍旃離寵辱於毀譽去天伐於腥膻忽攜手以上征躋中
皇之脩迥巾帝車一作之廣軾棹河舟一作之輕艇歷星
街之熠燿浮天潢之嬰滇機九轉於玉漿練七明於神鼎
吹萬化而不喧度千春之可並齊天地於倏忽安事人間
之紆姪哉

思歸賦 并序

夫鑒之積也無厚而納窮神之照心之徑也有域而懷重
淵之深余少而薄遊身防方思俄然萬里晚自省諒非

一塗何則 此後闕

余菲薄以固陋受靈恩而不嘗施鍾黃之沃若剖金符之
 陸離舟未濟而河廣途方遙而馬疲忽中寢而念厲魂申
 旦而九移昔受教於君子逢知己之隆盼被名立之羽儀
 沾官成之藻綯羌服義而不怠豈臨岐而喻變勢方迅於
 轉圓理好旋於奔電接弱葛而能升踐重岡而不眩信提
 福之非已寧悔禍其如見大明廓以高臨吹萬忻而同悅
 跨神臯之天衍奉英藩之睿誓承此屋一作之隆化踵芳
 塵之餘烈懷齷齪之褊心無今毗之誕節竟伊鬱而不怡
 賴遐討於先哲紛吾生之遊蕩彌一紀而歷茲自下車於
 江海涉青春於是時睠重昔而引領望大夏而長思雖曲
 街之委陋猶寤寐而見之況神交而通夢眇河漢於佳期

爾乃眷言薄暮南眺悠然方整歸轡願受一屨考華城之
 直陌相洛浦之迴阡連飛甍於故友接閒館以懷僊臨南
 塲以藝藿寄北地而采蓮睇微英之霍霍望水葉之田田
 乃翦山木不日為功非輪非負去斲去龔夜索綯而繞繞
 旦乘屋而芄芄竹櫺踦區而經北繩閉窈窕以臨東布茵
 蕭於踈檠纖莖亂於迴櫳于是籬挿芳槿門拂長楊園挑
 春發窻竹夏涼晨露晞而草馥微風起而樹香無芬菲以
 襲予空旖旎於都房恒離居以歲月庸銷落而徒傷我聞
 時命有殖無遷徵事或在求理未甄譬豐草之區別隨霜
 露而天延背萱鮮於堂北尚幽幽而未捐苟外物以能惑
 亦在應而無騫况朝霞之采可嚙瓊扉之飾方宣養以虛

白之氣悟以無生之篇豈加磨之贈可動執珪之位能歸來薄暮聊以永年

七夕賦

奉漢軍王命作

金祗司炬火曜方流素鐘登御夷律鳴秋朱光既夕涼雲始浮盈多露之靄靄升明月之悠悠步廣階而延膝屬天媛之淹留嗟斯靈之淑景招好仇於服相邁姮娥而擢質凌瑤華而擅芳厭白玉以為飾霏丹霞而為裳迴龍駕之容裔亂鳳笳之凄鏘騰燭光於西極命二妃於瀟湘軾帝車而捐玦凌天津而上翔悵漢渚之夕漲忻河廣之既梁臨瑤席而宴語綿含睇而娥揚嗟蘭夜之難永泣會促而怨長忌織阿之方駕各長庚之末光撫鳴琴而脩况浩安

歌而自傷歌曰清絃愴兮桂觴酬雲幄靜兮香風浮龍鏡蹠兮玉鸞整睞星河兮不可留分雙袂之一斷何四氣之可周斯乃嚮像恍惚彷彿幽曖耳之無聞目之無績故鐘鼓聞而延予隱白日沉而季後對豈形器之所求亦理將其如昧君王壯思風飛冲情雲上顧楚詩而縱轡瞻蘭書而競爽實研精之多暇聊餘日之駘蕩賦幽靈以去惑排視聽而玄往晒陽雲於荆夢賦洛篇於陳想乃澄心而閒邪庶綢繆於茲賞

高松賦

奉司徒竟陵王敬作

閱品物於幽記訪叢育於祕經巡汜林之珍望識斯松之最靈提於巖以羣茂臨於水而宗生豈榆柳之比性指真

椿而等齡若夫修幹垂陰喬柯飛穎望肅肅而既闡卽微
微而方靜懷風音而送聲當月露而留影旣芊眠於廣隰
亦迢遞於孤嶺集九僊之羽儀棲五鳳之光景固松木之
爲選貫山川而自永爾乃青春受謝雲物含明江臯綠草
曖然已平紛弱葉而凝照競新藻而抽英陵翠山而如剪
施懸蘿而共輕至於星迴竄紀沙鴈相飛同雲映其無色
陽光沉而滅暉卷風颺之吸歛積霰雪之嚴霏豈彫眞於
歲暮不受令於霜威若乃體同器制質兼上才夏書稱其
岱吠周篇咏其徂徠乃屈己以弘用構大壯於雲臺幸爲
玩於君子留神心而顧懷君王乃徙讌蘭室解佩明椒塞
幽蘭於夕陰詠聳幹於琴朝陵高丘以致思御風景而道
遙夷蔽冕之隆貴懷分陽之寂寥邈道勝於千禩蘊神理
而自超夫江海之爲大實涓澮之所歸瞻衡恒之峻極不
讓壤於塵微嗟孤陋之無取幸聞道於清微理弱羽於九
萬愧不能兮奮飛

杜若賦

奉隨王教作時年
二十六於坐賦

憑瑤圃而宣游臨水木而延佇柳含色於遠岸泉鏡流於
枉渚蔭綠竹以淹留藉幽蘭而容與覽茲榮之悅茂紛爲
芳於清蘂觀夫結根擢色發曜垂英綠春巒以織布蔭涼
潭而影清景奕奕以四照枝靡靡而葉傾冒霜蹊以獨蒨
當春郊而逕平寒汀洲以企予懷石泉於幽情嗟中囂之
纖草廁金芝於芳叢夕舒形於澹露日發彩於春風承義

陽之光景庶無悲於轉蓬

野鷺賦 并序

有門人斃一野鷺因以爲獻予時命以登俎用待賓客客有愛其羽毛請予爲賦其詞曰

夫何羅人之伎巧薦江海之逸禽落摩天之迅羽絕歸飛之好音碎文錦之丹臆裂雕綺之翠襟孤雛驚以靡翼饑雌叫而莫尋越滄流以遠致乃交賀以兼金因閤寺以傳請排邃戶以重深貴敷衽以取愛願登俎以甘心

遊後園賦

春遊

積芳兮選木幽蘭兮翠竹上蕪蕪以陰景下田田兮被谷左蕙晄兮彌望右芝原兮寫目山霞起而削成水積明以

經復於是敞風閨之藹藹登雲館之蒼蒼周步欄以升降對玉堂之沈寥追夏德之方暮望秋清之始騰藉宴私而遊行時寤語而逍遙爾乃日樓榆柳霞照夕陽孤蟬以散去鳥成行惠氣湛兮惟殿肅清陰起兮池館涼陳象設兮以玉瑱粉蘭藉兮咀桂漿仰微塵兮美無度奉英軌兮式如璋藉高文兮清談預金室兮握芳則觀海兮爲富乃游聖兮知方

臨楚江賦

爰自山南薄暮江潭滔滔積水裏裏霜嵐憂與憂兮竟無際客之行兮歲已嚴爾乃雲沉四岫風蕩中川馳波鬱素駭浪浮天明沙宿莽石路相懸於是霧隱行鴈霜眇虛林

迢迢落景萬里生陰列橫如分極浦弭蘭鷁兮江渚奉玉
露之未暮食勝之芳音願光兮秋月庶永照於遺簪

擬宋玉風賦奉司徒
教作

起日域而搖落集桂宮而送清開翠帳之影藹響行珮之
輕鳴揚淮南之妙舞發齊后之妍聲下鴻池而蓮散上霍
臺而雲生至於新虹明歲高月照秋晬儀廼豫冲想
雲浮鄒馬之賓咸至申穆之醴已酬朝發登樓之詠夕引
小山之謳厭朱邸之沉邃思輕舉而遠游驂驢之馬魚躍
飄鑿車而水流此乃宋玉之盛風也若夫子雲寂寞叔夜
高張煙霞潤色荃蕙結芳出壩幽而泉列入山戶而松涼
眇神王於丘壑獨起遠於孤鶴斯則幽人之風也

樂歌

雩祭歌八首

建武二年明堂解

迎神

清明暢禮樂新候龍景選貞辰其陽律元陰晷伏耕下土
荐種稔其宸儀警王度宣瞻雲漢望旻天其張盛樂奏雲
舞集五精延帝祖其雲有緄其祭有秩拒密芬圭瓚必其靈
之來帝闈開車煜耀吹徘徊其停龍轡徧觀此凍雨飛祥
雲靡其壇可臨奠可歆對其社鑒皇心

右八章章四句句三言

世祖武皇帝

睿哲維祖長發其武帝出白震重光御寓七德攸宣九

咸叙靜難荆衡凝威蓋滿一昧旦丕承夕惕刑政化一車
書德馨棗盛昭星夜景非雲曉慶衢室成陰壁水如鏡三
禮充玉帛樂被匏絃於鑠在詠陟配於天自宮徂走靡愛
經登我將我享永祚豐年

右三章章八句句四言

青帝

營翼日鳥殷霄凝冰泮玄蟄昭二其景陽陽風習習女夷歌
東皇集三其真春酒秉青珪命田租渥羣黎

右三章章四句句三言

赤帝

惟此夏德德恢台兩龍在御炎精來二其火景方中南譙秩

靡草云黃含桃實其族雲翁鬱溫風扇興雨祁祁黍苗遍

右三章章二句句七言

黃帝 赤帝歌

稟火自高明毓金挺剛克涼燠資成化羣芳載厚德二其陽
季勾萌達炎徂濟暑融商暮百工止歲極凌陰冲三其泉流
疏已清原隰甸已平咸言祚惟億敦民保高京

右三章章四句句五言

白帝

帝詔于允執躬固斯藏百川收潦精景應金方其嘉樹離
披榆關命賓鳥夜月如霜金風方嫋嫋三其商陰肅殺萬寶
咸亦道勞哉望歲場功與可收

句已宋本作
達而

右三章章二句句九言

巽帝

白帝歌

白日短玄夜深招搖轉移太陰霜鐘鳴宜陵起星迴天月
竅紀其聽巖風來不息望玄雲黝無色曾冰裂積羽幽飛
雲至天山側其關梁閉方不巡合國吹響蜡賓統微陽究
終始百禮洽萬祚臻

右三章章四句句六言

送神

敬如在禮將周神之駕不少留其躍龍競轉金蓋紛上馳
雲之外其警七曜詔八神排闥闢渡天津其有滄輿膚寸
積雨冥冥又終夕其俾樓糧維萬箱皇情暢景命昌

右五章章四句句三言

詩四言

侍宴華光殿曲水奉救為皇太子作

旁求遂古逖聽鴻名大寶曰位得一為貞朱禘叶社綠字
擢英升配同貫進讓殊聲

大橫將屬會昌已命國步中徂宸居膺慶璽劔先傳龜玉
增映宗堯有緒復禹無競

禮行郊社人神受職寶效山川鱗羽變色玄塞北靡丹微
南極浮蠢駕風飛一作冰登非作陸

能官民秀利建天跗桴鶉列野營絳分區論思帝則獻納
宸樞麟趾方一作定鵝翼誰濡

詩集

卷之二

一

西京謠謠東都濟濟秋夜濯流春襖浮醴初吉云獻上除
方啟音駕陽頻一作今帳雲陛

嘉樂舊矣芳宴在斯載留神矚有睟天儀龍精已映威仰
未移葉依黃鳥花落春池

高殿弘敞禁林稠密青燈崛起丹樓間山翠葆隨風金戈
動日惆悵清管徘徊輕佻

灞滙入筵河淇流昨海一作若谷來往觴肴公沂歡飫

終日一作終清光欲莫輕韶回道一作華組徐步登賢博望

獻賦清漳漢貳稱敏魏兩一作垂芳監撫有則七鬯無方

瞻言守器永愧元良

三日侍華光殿曲水宴代人應詔

羣分未辯類聚茲式天睭休明且求至德御繁實簡制動
惟默官府百王衣裳萬國

中葉遭閔副內多違悠悠靈貺爰有適歸於昭睿後撫運

天飛疑居中縣神動外畿

懸象著明離光乃位我有儲德徽猷淵備長壽察書龍樓

迴轡重道上庠行遵儒肆

朝陽有幹布葉萋萋思皇威矣鳩羽高棲出馳先輅入秉

介珪瞻秦望井建魯分奎

求賢每勞得士方逸有覺斯順無文咸秩萬箱惟重百鑿

載郵屈草戒諛階賞紀日

文教已肅武節旣馳榮光可照合璧如規載懷姑射尚想

瑤池濯龍乃飾天淵在斯

作樂順動實符時義上春初吉亦留淵寄紅樹巖舒青

一作水被雕梁虹拖雲霓鳥跋

高懸甲帳周褰黼帷長筵列陛激水旋墀浮醪聚蟻靈

呈姿河宗躍踢海介夔泥

弱腕纖腰遷延妙舞秦箏趙瑟殷勤促柱降席連綏稱觴

接武稽首萬年獻茲多祐

天地既成泉流既清薄暮沾幸屬奉文明將標齊配刻掃

秦京願馳龍漠飲馬懸旌

三日侍宴曲水代人應詔

神埋內寂機象外融遺情汾水垂冕鴻宮樹以司牧匪我

求蒙徒勤日用誰契玄功

往晦必明來碩資蹇於皇克聖時乘御辯寶曆載暉瑤光

重踐昭昭舊物熙熙遷善

當宁日昃求衣未明抵壁焚翠銷劍墮城九疇式序三辟

再清虞箴罔闕矇奏傳聲

麗景則春儀方在震重聖積厚金式瓊潤天爵必諧王臣

咸蓋譬諸華霍惟邦之鎮

正朔葱瀚冠冕叩越爭長明堂相超魏闕龜象南薦環裘

西發巢閣易窺馴庭難狘

上巳惟昔于彼襍流被穢河許張樂春疇既停龍駕亦泛

鳧舟靈宮備矣無待茲遊

謝亭
音移
謝亭本作謝

初鷲命曉朝霞一作開夜節陸道源迴伊流瀟極望天淵
曲阻亭榭閒館巖敞長廊水架
金鷲搖蕩玉俎推移楚浮水豹席擾雲螭變亮琴瑟嗽吮
塤麓歡茲廣讌穆穆天儀
周道如砥康衢載直徒愧玄黃負恩無力華轡徒駕長纓
未節相彼失晨寧忘鼓翼

謝朓集卷第一終

謝眺集卷第二

雜曲 歌吹曲

隋王鼓吹曲十首

元會曲

二儀啓昌曆三陽應慶期
珪贄紛成序鞮譯憬來思分階
艷組練充庭羅翠旗觴流白日下吹溢一作景雲滋天儀
穆藻殿萬禹壽皇基


郊祀曲

六宗禋配岳五峙奠甘泉
整蹕遊九闕清簫開八埏
鏘鏘玉鑿動溶溶金障旋
郊宮光已屬升柴禮既虔
福饗靈非

雲之集南岳固斯年

謝眺集卷第二
謝眺集卷第二

唐書



鈞天曲

高宴顛天臺置酒迎風觀笙鏞禮百神鍾石動雲漢瑤堂
琴瑟驚綺席舞衣散紫鳳來參差玄鶴至凌亂已慶明庭
樂誰想南風彈

入朝曲

江南佳麗地金陵帝王州逶迤帶綠水迢遞起朱樓飛甍
夾馳道垂楊蔭御溝凝笳翼高蓋疊鼓送華輶獻納雲臺
表功名良可收

出藩曲

雲枝紫薇內分組承明阿飛艤溯極浦旌節去關河眇眇
蒼山色沉沉寒水波鏡音巴渝曲簫鼓感唐歌夫君邁惟

德江漢仰清和

狡獵曲

凝霜冬十月殺盛涼颼開原澤曠千里騰騎紛往來平
望煙合烈火從風迴殪獸萃容浦張樂荆山臺虞人昔有
諭明明時戒哉

從戎曲

選旅辭輓轅弭節赴河源日起霜戈照風迴連騎蹴紅塵
朝夜合黃沙萬里昏寥天清笳轉蕭條邊馬煩自勉較耕
願征役去何言

送遠曲

北梁辭歡宴南浦送佳人方衢控龍馬平路騁朱輪瓊筵

妙舞絕桂席羽觴陳白雲丘陵遠山川時未因一為清吹
激潺湲傷別巾

登山曲

天明開秀萼。灞光媚碧堤。風盪飄鶯亂雲行。芳榭低暮春。
春服美遊駕。凌丹梯。升嶠旣小魯。登巒且悵齊。王孫尚游
衍。蕙草正萋萋。

泛水曲

玉露沾翠葉。金風鳴素枝。罷遊平樂苑。泛鷁昆明池。旌旗
散容裔。簫管吹參差。日晚厭導渚。採菱贈清漪。百年如流
水。寸心寧共知。

同沈右率諸公賦鼓吹曲名先成為次

管常作鼓

宋本鼓作影結作
能折作遊絕作細

芳樹 同前再賦 第一首

早翫華池陰。復鼓滄洲柀。椅栳芳若斯。歲蕤紛可繼。霜下
桂枝銷。怨與飛蓬逝。不則玉盤滋。誰憐絲委細。

同前

發萼九華嶼。開跼寒路側。氤氳非一香。參差多異色。宿昔
寒飈舉。摧殘不可識。霜雪交橫至。對之長歎息。

同前

相望早春日。煙花雜如霧。復此佳麗人。含情結芳樹。
綺羅已自憐。萱風多有趣。去來徘徊者。佳人不可遇。

當對酒

對酒心自足。故人來共持。方悅羅襟解。誰念髮成絲。徇性

眺

結

沈右率沈約

王融

范通直范雲

良為達求各本自欺迨君當歌比及我傾樽時

臨高臺

時為隋 王文學

第三首

千里常思歸登臺瞻

一作綺翼纔見孤鳥還未辯連山極

四面動清風朝夜起寒色誰知倦遊者嗟此故鄉憶

同前

第八首

沈約

高臺不可望望遠使人愁連山無斷絕河水復悠悠所思
暖何在洛陽南陌頭可望不可至何用解人憂

巫山高

第四首

王尹丞

彷彿巫山高薄暮陽臺曲煙雲乍舒卷猿鳥時斷續彼美
如可期寤言分在矚憮然坐相望秋風下庭綠

同前

第十首

范雲

巫山高不極白日隱光輝

一作遙遙

朝雲出

一作去

冥冥暮

雨歸巖懸獸無迹林暗鳥疑飛枕席竟誰薦相望空依依

同前

第十首

劉繪中書

高唐與巫山參差鬱相望灼爍在雲間氛氲出霞上散雨
收夕臺行雲卷晨帳

本作障

出沒不易期嬋娟似

有所思

第五首

劉繪

別離安可再而我更重之佳人不相見明月空在帷共銜
滿堂酌獨斂向隅眉中心亂如雪寧知有所思

同前

第九首

范雲融

如何有所思而無相見時夙昔夢顏色階庭尋履慕高歌
更何已引滿終自持欲知憂能老為視鏡中絲

棟鳥字作行芳

NATIONAL CENTRAL LIBRARY TAIWAN

同賦雜曲名

陽春曲

檀秀才

青雲獻初歲白日映雕梁
蘭萌猶自短柳葉未能長
已見花紅發復聞花藥香
樂此試遊行誰知心獨傷

綠水曲

江朝請

塘上蒲欲齊汀洲杜將歇
春心既易蕩春流豈難越
桂棹及晚風菱影映初月
芳香若可贈為君步羅襪

採菱曲

陶功曹

朝日映蘭澤乘風入桂嶼
棹影已流倡輕舟復容與
勿遽佳期移方追明月侶
採採誰盈掬還望空延佇

白雪曲

朱孝廉

凝雲沒霄漢從風飛且散
飈翻下幽谷徘徊依井幹
既興楚客謠亦動周王歎
所恨輕寒早不待陽春日

秋竹曲

時為宣
城守

此詩在竹

嬈娟綺窻北結根未參差
從風旣裊裊映日頗離離
欲求棗下吹別有江南枝
但能凌白雪貞心蔭曲池

永明樂十首

另

帝圖閔九有皇風浮四溟
永明一為樂咸池無復靈

其二

民和禮樂富世清歌頌微
鴻名軼卷領稱首邁垂衣

其三

朱臺鬱相望青槐紛馳道
秋雲湛甘露春風散芝草

其四

龍樓日月照淄館風雲清儲光温似玉藩度式如瓊

其五

宋本非此

化洽鯁海君恩變龍庭長西北鷺環裘東南盡龜象

其六

出車長洲苑選旅朝夕川絡絡結雲騎奕奕泛戈船

其七

燕駟遊京洛趙服麗有輝清歌留上客妙舞送將歸

其八

實相薄五禮妙花開六塵明祥已玉燭寶瑞亦金輪

其九

生茂祥蘿性身與佳意隆飛纓入華殿履步出重宮

其十

彩鳳鳴朝陽玄鶴舞清尚瑞此永明曲千載為金皇

玉階怨

夕殿下珠簾流螢飛復息長夜縫羅衣思君此何極

金谷聚

渠碗送佳人玉杯邀上客車馬一東西別後思今夕

王孫遊

綠草蔓如絲雜樹紅英發無論君不歸君歸芳已歇

銅爵悲

落日高城上餘光入總帷寂寂深松晚寧知琴瑟悲

渠車也

卷之二

卷之二

七

江上曲

易陽春草出踟躕日已暮蓮葉尚田田淇水不可渡願子
淹桂舟時同千里路千里既相許桂舟復容與江上可采
菱清歌共南楚

曲池之水

待

緩步遵莓渚披襟帶蕙風芙蓉舞輕帶包筍出芳叢浮雲
自西北江海思無窮鳥去能傳響見我綠琴中

綠琴一作胡琴

同謝諮議詠銅爵臺

繡帷飄井幹樽酒若平生鬱鬱西陵樹詎聞歌吹聲芳襟
染淚迹嬋娟空復情玉座猶寂寞況乃妾身輕

謝眺集卷第二終



謝朓集卷第三

雜詩五首

將發石頭上烽火樓

徘徊戀京邑躑躅纏曾阿陵高堦闕近眺迴風雲多荆吳
阻山岫江海含瀾波歸飛無羽翼其如離別何

荅王世子

飛雪天山來飄聚繩樞外蒼雲暗九重北風吹萬籟有酒
招親朋思與清顏會熊席惟爾安羔裘豈吾帶公子不垂
堂誰肯憐蕭艾

荅張齊興

荆山從百里漢廣流無極北馳星斗正南望朝雲色川隰

同幽快冠冕異今昔子庸兩岐功我滯三冬職誰知京洛
念彷彿昆山側向夕登城濠潛池隱復直地迴聞遙蟬天
長望歸翼清文忽景麗思泉紛寶飾勿言脩路阻勉于康
衢力曾厓寂且寥歸軫逝言陟

酬王晉安

稍稍枝早動塗塗露晚晞南中榮橘柚寧知鴻鴈飛拂霧
朝青閣日旰坐彤闈長望一途阻參差百慮依春草秋更
綠公子未西歸誰能久京洛緇塵染素衣

暫使下都夜發新林至京邑贈西府同寮

大江流日夜客心悲未央徒念關山近終知返路長秋河
曙耿耿寒渚夜蒼蒼引領見京室宮雉正相望金波麗鳩

風格高遠開成
唐一代先聲絕
六朝詩靡不習
李青蓮日熱

往古獨心好元

暉有以哉

文照記

鵲玉繩低建章驅車鼎門外思見昭丘陽馳暉不可接何
況隔兩鄉風雲有鳥路江漢限無梁常恐鷹隼擊時菊委
嚴霜寄言尉羅者寥廓已高翔

始出尚書省

惟昔逢休明十載朝雲陛既通金闕籍復酌瓊筵醴宸景
厭昭臨昏風淪繼體紛虹亂朝日濁河穢清濟防口猶寬
政餐荼更如薺英衮暢人謀文明固天啓青精翼紫軼黃
旗映朱邸還覩司隸章復見東都禮中區成已泰輕生諒
昭灑趨事辭宮闕載筆陪旌蔡邑里向踈蕪寒流自清泚
衰柳尚沉沉凝露方泥泥零落悲友朋歡娛燕兄弟既秉
丹石心寧流素絲涕因此得蕭散垂竿深澗底

直中書省

紫殿肅陰陰彤庭赫弘敞風動萬年枝日華承露掌玲瓏
結綺錢深沉映朱網紅藥當階翻蒼苔依砌上茲言翔鳳
池鳴珮多清響信美非吾室中園思偃仰朋情以鬱陶春
物方駘蕩安得凌風翰聊咨山泉賞

觀朝雨

朔風吹飛雨蕭條江上來既灑百常觀復集九成臺空蒙
如薄霧散漫似輕埃平明振衣坐重門猶未開耳目暫無
擾懷古信悠哉戰翼希驥首乘流畏曝鱉動息無燕遂岐
路多徘徊方同戰勝者去剪北山萊

新亭渚別范零陵雲

洞庭張樂地瀟湘帝子遊雲去蒼梧野水還江漢流停驂
我悵望輟棹子夷猶廣平聽方籍茂陵將見求心事俱已
矣江上徒離憂

之宣城郡出新林浦向板橋

江路西南永歸流東北驚天際識歸舟雲中辨江樹旅思
倦搖搖孤遊昔已屢既歡懷祿情復協滄洲趣囂塵自茲
隔賞心於此遇雖無玄豹交終隱南山霧

始之宣城郡

下帷闕章句高談媿名理踈散謝公卿蕭條依掾史簪髮
逢嘉惠教義承君子心迹苦未并憂歡將十祀幸沾雲雨
慶方轡參多士振鷺徒追飛羣龍難隸齒烹鮮止貪競共

治屬廉耻伊余昧損益何用祇千里解劔北宮朝息駕南
川浹寧希廣平詠聊慕蔭市棄置宛洛遊多謝金門裏
招招漾輕楫行行趨巖趾江海雖未從山林於此始

宣城郡內登望

借問下車日匪直望舒圓寒城一以眺平楚正蒼然山積
陵陽阻溪流春穀泉威紆距遙甸嶸嶺帶遠天切切陰風
暮桑柘起寒煙悵望心已極愴怳魂屢遷結髮倦爲旅平
生早事邊誰規鼎食盛寧要狐白鮮方棄汝南諾言稅遼
東田

冬日晚郡事隙

案牘時閒晚偶坐觀卉木颯颯滿池荷脩脩陰窻竹簷隙

自周流房櫳閒且蕭蒼翠望寒山崢嶸瞰平陸已惕慕歸
心復傷千里目風霜旦夕甚蕙草無芬馥云誰美坐箠孰
是厭適軸願言稅逸駕臨潭餌秋菊

後齋迴望

高軒瞰四野臨牖眺襟帶望山白雲裏望水平原外夏木
轉成帷秋荷漸如蓋鞏洛常睠然搖心似懸旆

落日悵望

昧旦多紛喧日晏未遑舍落日餘清陰高枕東窻下寒槐
漸如束秋菊行當把借問此何時涼風懷朔馬已傷慕歸
客復思離居者情嗜幸非多案牘偏爲寡旣乏瑯琊政方
憇洛陽社

望三湖

積水照頰霞高臺望歸翼平原周遠近連汀見紆直歲華
向春秀芸黃共秋色薄暮傷哉人嬋媛復何極

遊山

託養因支離乘閒遂疲蹇語默良未尋得喪云誰辯幸蒞
山水都復值清冬緬凌厓必千仞尋谿將萬轉堅嶠既峻
嶒迴流復宛澶杳杳雲竇深淵淵石溜淺傍眺鬱鬱窳窳還
望森栴榭荒陬被歲莎崩壁帶苔鮮鼯狄叫層嶕鷗鳧戲
沙衍觸賞聊自觀卽趣咸已展經目惜所遇前路故方踐
無言蕙草歇留垣芳可攀尚子時未歸邴生思自免永志
昔所欽勝迹今能選寄言賞心客得性良爲善

故字中事即改
二字有金鉄之別
此二字之所以可貴
也

賽敬亭山廟喜雨

夕帳懷椒糝瀾景勑營鄉登秋雖未獻望歲佇年祥潭淵
深可厲狹邪車未方蒙龍度絕限出沒見林堂秉玉朝羣
帝樽桂迎東皇排雲接虬蓋蔽日下霓裳會舞紛瑤席安
歌遶鳳梁百味芬綺帳四座沾羽觴福被延氓澤樂極思
故鄉登山騁歸望原雨晦茫茫胡寧昧千里解佩拂山莊
祀敬亭山廟

遊敬亭山

茲山亘百里合水與雲齊隱淪旣已託靈異居然樓上千

蔽白日下屬帶迴谿交藤荒且蔓樛枝聳復低獨鶴方朝
唳饑鼯此夜啼溼雲已漫漫多雨亦淒淒我行雖紆組兼
得尋幽蹊緣源殊未極歸徑窅如迷要欲追竒趣卽此陵
丹梯皇恩竟已矣茲理庶無睽

賦貧民田

假遇一作非將迎靖共一作靜延殊慶中歲歷三臺旬月典
邦政會一作會是共治一作情敢忘卹貧病將無富教禮孰
有知方性敦本抑工商均業省兼并察壤見泉脉覘星視
農正黍稷綠高殖稱一作稔卽卑盛舊埒新塍分青苗白
水映遙柳匝清陰連山周遠淨卽此風雲佳孤觴聊可命
旣微三載道庶藉兩岐詠俾爾倉廩實余從谷口鄭

與江水曹至濱干戲

山中上芳月故人清樽賞遠山翠百重迴流映千丈花枝
聚如雪燕絲散猶網別後能相思何嗟異封壤

送江曹還遠館

高館臨荒途清川帶長陌上有流思人懷舊望歸客塘邊
草雜紅樹際花猶白日暮有重城何由盡離席

送江兵曹檀主簿朱孝廉還上國

方舟泛春渚攜手趨上京安知慕歸客詎憶山中情香風
葉上發好鳥葉間鳴揮袂送君已獨此夜琴聲

臨溪送別

悵望南浦時徙倚北梁步葉上涼風初日隱輕霞暮荒城

迥易陰秋溪廣難渡未泣豈徒然君子行多露

將遊湘水尋句溪

既從陵陽釣桂鱗
赤螭方尋桂水原
謁帝蒼山垂辰戩
且未會乘景弄清漪
瑟汨瀉長淀潺湲
赴兩岐輕蘋上
靡雜石下離離
寒草分花映戲鯢
乘空移輿以暮秋
月清霜落素枝魚
鳥余方翫纓綬
君自縻及茲暢懷
抱山川長若斯

忝役湘州與宣城吏民別

弱齡倦簪履薄晚忝
華與爾沃盡地區
山泉諧所好幸遇
昌化穆惇一作序俗罕
驚暴四時從偃息
三省無侵冒下車
遠暄席紆服始黔
竈榮辱未違敷德
禮何由導汨徂奉
南

岳兼秩典邦號疲馬方云驅
鉛刀安可操遺惠良寂寞恩
靈亦匪報桂水日悠悠結言
幸相勞吐納貽爾和窮通最
所蹈

休沐重還丹陽道中

薄遊第從告思閒願罷歸還
叩歌賦似休汝車騎非瀟池
不可別伊川難重違汀葭稍
靡靡江葵復依依出鵠遠相
叫沙鷗忽爭飛雲端楚山見
林表吳岫微試與征徒望鄉
淚盡沾衣賴此盈樽酌含景
望芳菲問我勞何事靈沐仰
清徽志狹輕軒冕恩甚戀闈
闈歲華春有酒初服假郊扉

移病還闈示親屬

疲策倦人世歛性就幽蓬
停琴佇涼月滅燭聽歸鴻
涼薰

乘暮晰秋華臨夜空葉低知露密崖斷識雲重折荷葺寒
袂開鏡眇衰容海暮騰清氣河關秘樓冲煙衡時未歇芝
蘭去相從

出下館

麥候始清和涼雨銷炎燠紅蓮搖弱荇丹藤繞新竹物色
盈懷抱方駕娛耳目零落既難留何用存華屋

遊東田

戚戚苦無棕攜手共行樂尋雲陟累榭隨山望菌閣遠樹
暖阡阡生煙紛漠漠魚戲新荷動鳥散餘花落不對芳春
酒還望青山郭

秋夜講解

四緣去誰肇七識習未失沉沉一作淵淵倒管魄苦蔭蹙愁臉
琴瑟徒爛熳姱容空滿堂春顏遽幾日秋龍終茫茫孰云
濟沉溺假願託津梁惠唱摘泉湧妙演發金相空有定無
執賓實固兩忘自來乘首夏及此申暮霜雲物清晨景衣
巾引夕涼風振蕉蓮裂霜下梧楸傷一作露下六龍且無
借三相寧久長何時接靈應及子同舟航

秋夜

秋夜促織鳴南鄰搗衣急思君隔九重夜夜空佇立北窗
輕幔垂西戶月光入何知白露下坐視階前濕誰能長分
居秋盡冬復及

春思

茹溪發春水叱山起朝日蘭色望已同萍際轉如一葉燕
聲上下黃鳥弄儔匹邊郊阻遊行故人盈契關夢寐借假
簣思歸賴倚瑟幽念漸鬱陶山楹永爲室

治宅

結宇夕陰街荒幽橫九曲迢遞南川陽通灑西山足闢館
臨秋風敞窻望寒旭風碎池中荷霜翦江南葉旣無東都
金且稅東臯粟

冬緒羈懷示蕭諮議虞田曹劉江二常侍

去國懷丘園入遠滯城闕寒燈耿宵夢清鏡悲曉髮風草
不留霜冰池共如月寂寞此間惟琴樽任所對客念坐嬋
媛年華稍菴夔夙慕雲澤遊共奉荆臺續續一作一聽春鶯

喧弄視秋虹沒疲驂良易返恩一作思波不可越誰慕臨淄
鼎常希茂陵渴依隱幸自從求心果蕪昧方軫歸歎願故
山芝未歇

懷故人

芳洲有杜若可以贈佳期望望忽超遠何由見所思行行
未千里山川已間之離居方歲月故人不在此清風動簾
夜孤月照窻時安得同攜手酌酒賦新詩

夜聽妓二首

瓊闈釧響聞瑤席芳塵滿要取洛陽人共命江南管情多
舞態遲意停歌弄緩知君密見親寸心傳玉梳

其一

上客光四坐佳麗直千金桂釵報纓絕墮珥峇琴心娥眉
已共笑清香復入襟歡樂夜方靜翠帳垂沉沉

京路夜發

擾擾整夜裝肅肅戒徂兩曉星正寥落晨光復澹澹猶沾
餘露團稍見朝霞上故鄉邈已愛山川修且廣文奏方盈
前懷人去心賞救躬每踟躕瞻恩惟震蕩行矣倦路長無
由稅歸鞅

晚登三山還望京邑

灞涘望長安河陽視京縣白日麗飛甍參差皆可見餘霞
散成綺澄江靜如練喧喧_{一作}鳥覆春洲雜英滿芳甸去矣
方滯淫懷哉罷歡宴佳期悵何許淚下如流霰有情知望

鄉誰能鬢不變

高齋視事

餘雪映青山寒霧開白日曖曖江村見離離海樹出披衣
就清盥憑軒方秉筆列俎歸單味連駕止容膝空爲大國
憂紛詭諒非一安得掃蓬逕鎖吾愁與疾

郡內高齋闡望峇呂法曹

呂僧珍爲
齊王法曹

結構何迢遞曠望極高深窻中列遠岫庭際俯喬林日出
衆鳥散山暝孤後吟已有池上酌復此風中琴非君美無
度孰爲勞寸心惠而能好我問以瑤華音若遺金門步見

就玉山峯


王宗平作此

謝朓集卷第三終

阿字天機清妙
宜其高揖曹劉
不同王遠之



國家圖書館, NATIONAL CENTRAL LIBRARY, TAIWAN, R.O.C.



謝朓集卷第四

雜詩

和蕭中庶直石頭

九河巨積咀三嶼鬱旁眺皇州總地德回江欵巖微井幹
絕蒼林雲堯蔽層嶠川霞日上薄山光晚餘照翔集亂歸
飛虹蜺紛引曜君子奉神略燉燠憑重峭彈冠已籍甚升
車益英妙功存漢册書榮並周庭燠汲疾移偃息董園倚
談笑摩旃一悠悠謙姿光且劭讌嘉多暇日興文起淵調
曰余廁鱗羽滅影從漁釣澤渥資投分逢迎典待詔詠沼
灑含毫專城空坐嘯徒慚皇鑒揆終延曲士請方追隱淪
訣偶解金丹要若偶坐咸招帝長可叫

直石頭

蕭衍附

率土皆王土安知全高尚東甕棄黍稷西游入卿相屬逢
利建始投分參末將尺一功未施河山賞已諒攝宮因時
暇曳裾聊起望鬱盤地勢遠參差百雉壯翠壁絳霄際丹
樓青霞上夕池出濠渚朝雲生疊嶂籠鳥易為恩屠羊無
飾讓泰階端且平海水本無浪小臣何日歸頓纒從開放
奉和竟陵王同沈右率過劉先生墓

嘉樹因枝條瓌玉良可寶若人陵曲臺垂帷茂淵道善誘
宗學原鳴鐘霽幽抱仁馬徂宛洛清徽夜何早歲晚結松
陰平原亂秋草不有至言揚終滯西山老

登山望雷居士精舍同沈右衛過劉先生墓下作序并

宋本此句在沈右衛劉先生墓下序後

竟陵王蕭子良

沛國劉子珪學優兼作仕跡適心遐履信體仁古之遺
德潛舟迅景滅賞淪輝言念步猷式懷嗟述屬舍弟隨郡
有示來篇彌緝久要之情益深宿草之歎升望西山率爾
為答雖因事雷生實由悲劉子云爾

漢陵淹館燕晉彌洙風缺五都聲論空三河文義絕興禮
邁前英談玄踰往哲明情日夜深徽音歲時滅垣井總已
平煙雲從容齋齋歎牛山悲我悼驚川逝

經劉瓛墓下

隨郡王蕭子隆

升堂子不謬問道余未窮如何辭白日千載隔音通山門
一已絕長夜緬難終初松切暮鳥新楊摧曉風榛關向燕

附集

卷之四

密泉途轉銷空

奉和

宋齊書江革山陰隱居士詩下

虞炎

宋何道

下帷聞昔儒窺園信且逸聚學叢煙郊棲遁事環車戢景
謝歸年稅駕空悠日庭露已沾衣松門向蕭瑟憫憫神念
周依依惠言密

奉和

柳惲奉和

西河寂高業北海望清塵曾微誰與寄尚德在伊人遺文
重昭晰絕緒復紛綸露華白朝日蘭生無久春芳猷動淵
思撫軾履高辰山風起寒木野雀亂秋榛鶴章時易宿素
軌邈難遵

奉和

沈約奉和

表閭欽逸軌軾慕禮貞魂化途終眇默神理峻猶存塵駕
未輟幌高衡已委門日燕子雲舍徒望董生園華陰無遺
市楚席有靈樽玄泉倘能慰長夜且勿論

離夜

玉繩隱高樹斜漢耿層臺離堂華燭盡別幌清琴哀翻潮
尚知限客思耿難裁山出不可夢况及一作故入杯

同前

江丞附

石泉行可照蘭杜向含風離歌上春日芳思徒以空情遠
曉雲發心在夕河終幽琴一罷調清醕誰復同

同前

王常侍附

月沒高樓曉雲起扶桑時燭庭暖無色行住憫相悲當軒

宋本和別沈右
率諸君

已疑念况乃清江湄懷人忽千里誰緩鬢祖絲

和沈右率諸君餞謝文學

宋本此作在別中書詩以

春夜別清樽江潭復為客歎息東流水如何故鄉陌重樹
日芬蓋芳洲轉如積望望荆臺下歸夢一作相思夕

餞謝文學

沈右率附

漢池水如帶巫山雲似蓋
漸泪背吳潮潯爰橫楚瀨一望
阻漳水寧思江海會以我徑寸心從君千里外

同前

虞別駕附

差池燕始飛羃歷草初輝
離人悵東顧遊子去西歸
清潮已駕渚潯露復沾衣
一乖當春聚方掩故園扉

同前

王中書附

同前 沈右通直
陽且至露初解
夢清北我保遠
山隱不見平波沙
斷道懷分狂徒
苦音別鳴

曲名拂使車
我事東皇象
依事本增

所知共歌吹誰忍別笑歌離軒思黃鳥分渚夢清沙
翻情結遠佈灑淚與煙波春江夜明月還望情如何

同前

蕭記室附

執手無還顧別渚有西東荆吳渺何際煙波千里通
春篁方解籜弱柳向低風相思將安寄悵望南飛鴻

同前

劉中書附

汀洲千里芳朝雲萬里色悠然在天隅之子去安極
春潭無與窺秋臺共誰陟不見一佳人徒望西飛翼

和王長史臥病

岬岫欵崇崔嵬別朝洪河兔園文雅盛章臺冠蓋多
淵襟眷睿岳燮贊動眩歌頌影慚駢服載筆旅江沱縞衣紛可

和別沈右率諸君
春夜別清樽江潭
復為客歎息東流
水如何故鄉陌重
樹日芬蓋芳洲轉
如積望望荆臺下
歸夢

謝靈運

卷之四

日

獻琴言暖一作已和青臯向還色春潤視生波巖垂變好
鳥松上改陳蘿日與歲眇邈歸恨積一作蹉跎願緝吳山
杜寧袂楚池荷清風豈孤劭功遂懷曾阿勿藥良有暢在
弄芳未過幸留清樽味言籍故田莎

臥疾叙意

宋本此首在前

王秀之贈

貞悔不少期福極固難豫疾藥雖一途遂以千百慮景及
念徂齡帶緩每危曙循躬雖一作已茲况復歲將暮層冰
日夜多飛雲密如霧歸鴻互斷絕宿鳥莫能去輟我丘中
瑟良田一嗟故隱淪迹有違宰官功未樹何用攪余情恨
恨此故路豈言勞者歌且曰幽人賦

和沈祭酒行園

清淮左長薄荒徑隱高蓬回潮旦夕上寒渠左右通霜畦
紛綺錯秋川鬱蒙茸環梨縣已紫珠榴折且紅君有樓心
地伊我歡既同何用甘泉側玉樹望青葱

行園

宋本此首在前

沈約贈

寒瓜方臥壟秋菰亦滿陂紫茄紛爛熳綠芋鬱參差初菘
向堪把時菲日離離高梨有繁實何減萬年枝荒渠集野
鴈安用昆明池

和江丞北戍瑯琊城

春城麗白日阿閣跨層樓蒼江忽渺渺驅馬復悠悠京洛
多塵霧淮濟未安流豈不思撫劍惜哉無輕舟夫君良自
勉歲暮勿淹留

北戍瑯琊城

宋刊本此首在前

江孝嗣

驅馬一聯翩。日下情不息。芳柳似佳人。惆悵余何極。薄暮苦羈愁。終朝傷旅食。丈夫許人世。安得顧心臆。按劍勿復言。誰能耕與織。

和徐都曹出新亭渚

宛洛佳遊。遊春色滿。皇州結軫。青郊路迴。瞰蒼江流。日華川上動。風光草際浮。桃李成蹊。徑桑榆陰道。周東都已。載言歸望。綠疇。

昧旦出新亭渚

宋本此首在前

徐勉

驅車凌早術。山華映初日。纜轡且徘徊。復值清江謐。香靄楓樹林。參差黃鳥匹。氣物宛如斯。重以心期逸。春堤一遊

衍終朝意殊悉

和劉中書

昔余侍君子。歷此遊荆漢。山川隔舊賞。朋僚多雨散。圖南矯風翮。曾非息短翰。移疾覲新篇。披衣起淵翫。惆悵懷昔踐。彷彿得殊觀。頽紫共彬駁。雲錦相凌亂。奔星上未窮。驚雷下將半。迴潮漬崩樹。輪困軋。傾岸巖篠或。傍隴石菌無。脩幹澄澄明。浦媚衍衍清。風爛江潭良。在目懷賢興。累歎歲暮不我期。淹留絕巘畔。

入琵琶峽望積布磯呈玄暉

劉中書

宋本此首在前

江山信多美。此地最爲神。以茲峰石麗。重在芳柳春。照爛虹蜺雜。交錯錦繡陳。差池若燕羽。剪劣似龍鱗。却瞻了非

向前觀復已新翠微上。虧景清沙下。拂津巉巖如刻削。可望不可親。昔途首遐路。未獲究清塵。誓將返初服。歲暮請爲鄰。

在郡臥病呈沈尚書

淮揚股肱守。高臥猶在茲。况復南山曲。何異幽棲時。連陰盛農節。臺筮聚東菑。高閣常晝掩。荒堦少諍辭。珍簟清夏室。輕扇動涼颺。嘉魴聊可薦。綠蟻方獨持。夏李沉朱實。秋藕折輕絲。良辰竟何許。夙昔夢佳期。坐嘯徒可積。爲邦歲已暮。絃歌終莫取。撫枕今自嗤。

答謝宣城

一作枕

沈約

王喬飛鳧鳥。東方金馬門。從宦非宦侶。避世不避喧。揆余

發皇覽。短翮屢飛翻。晨趨朝建禮。晚沐臥郊園。賓至下塵榻。憂來命綠樽。昔賢侔時雨。今守馥蘭蓀。神交疲夢寐。路遠隔思存。牽拙謬東汜。浮惰反西崑。顧循良非薄。何以儷瑛璠。將隨渤澥去。刷羽混清源。

和何議曹郊遊二首

春心澹容與。挾弋步中林。朝光映紅萼。微風吹好音。江垂得清賞。山際果幽尋。未嘗遠離別。知此愜歸心。流沂終靡已。嗟行方至今。

江臯倦遊客。薄暮懷歸者。揚舲浮大川。惆悵至日下。蘼靡青莎被。潺湲石榴瀉。寄語持笙箏。舒憂願自假。歸途豈難涉。翻同江上夏。

和劉西曹望海臺

滄波不可望，望極與天平。往往孤山映，處處春雲生。差池遠鴈沒，颯沓羣鳥驚。鷺塵及薄領，棄捨出重城。臨川徒可羨，結網庶時營。

和王中丞聞琴

風名刊本你氣

涼風吹月露，圓景動清陰。蕙風入懷抱，聞君此夜琴。蕭瑟滿林聽，輕鳴響澗音。無為澹谷與，蹉跎江海心。

和伏武昌登孫權故城

時秋景宮為武昌太守

炎靈遺劔璽，當塗駭龍戰。聖期缺中壤，霸功興寓縣。鵲起登吳山，鳳翔凌楚甸。襟帶窮巖險，帷帶盡謀選。北拒溺膠，鑣西戡一作收組練四江一作海既無波，俯仰流英眇。裴冕

類裡郊卜揆，崇離殿釣臺。臨講闕樊山，開廣讌文物共。蕤聲明且葱，蒨三光厭分景。書軌欲同薦，參差世代一作祀忽寂寞。市朝變舞館，識餘基歌梁。想遺轉一作故林衰木平荒池，秋草徧雄圖。悵若茲茂宰，深遐睠幽客。滯江臯從賞，垂纓弁清卮。阻獻酬良書，限聞見幸籍。芳音多承風采，餘絢于役倘有期。鄂渚同遊衍。

夏始和劉潺陵

威仰弛蒼郊，龍睢表皇隰。春色卷遙甸，炎光麗近邑。白蘋望已騁，湘荷紛可襲。徒願尺波旋，終憐寸景戢。對窻斜日過，洞幌鮮飈入。浮雲去欲窮，暮鳥飛相及。柔翰續芳塵，清源非易揖。迴江難絕濟，云誰暢佇立。良宰曷夜漁，出入事

山宮少少臺

唐宋本

朝汲積羽余既裳更賦子盈粒椅梧何必零歸來共棲集

和宋記室省中

宗本行

落日飛鳥遠憂來不可極竹行作樹澄遠陰雲霞成異色
懷歸欲乘電瞻言思解翼清揚婉禁居秘此文墨職無歎
阻琴樽相從伊水側

和王著作融八公山

二別阻漢坻雙嶠望河澳茲嶺復嶢屹分區奠淮服東隈
瑯琊臺西距孟諸陸阡眠起雜樹檀藥蔭脩竹日隱澗疑
空雲聚岫如復出役眺樓雉遠近送春日戎州昔亂華素
景淪伊穀陪危賴宗衮微宦寄明牧長蛇固能剪奔鯨自
此曠道峻芳塵流業遙年運倏平生仰令圖吁嗟命不淑

官宋本行

而宋本行

浩蕩別親知聯翩戒征軸再遠館娃宮兩去河陽谷風煙
四時犯霜雨朝夜沐春秀良已凋秋場庶能築

和王主簿季哲怨情

一節往

掖庭聘絕國長門失歡宴相逢詠藻蕪辭寵悲團扇花叢
亂數蝶風簾入雙燕徒使春帶餘坐惜紅粧變平生一顧
重伯昔千金賤故人心尚爾故人心不見一作故心

贈王主簿二首

日落窻中坐紅粧好顏色舞衣襞未縫流黃覆不織蜻蛉
草際飛遊蜂花上食一遇長相思願寄連翩翼
清吹要碧玉調絃命綠珠輕歌急綺帶含笑解羅襦餘曲
詎幾許高駕且踟躕徘徊韶景暮惟有洛城隅

同王主簿有所思

佳期期未歸望望下鳴機徘徊東陌上月出行人稀

落日同何儀曹照

市本缺小字

參差複殿影氛氳綺羅雜風入天淵池芰荷搖復合遠聽
雀聲聚回望樹陰杳一賞桂尊前寧傷蓬鬢颯

和紀參軍服散得益

金液稱九轉西山歌五色鍊質乃排雲濯景終不測雲英
亦可餌且駐羲和力能令長卿臥暫故遇眞識

新治北憲和何從事

國小暇日多民淳紛務屏闕牖期清曠開簾候風景泱泱
日照溪團團雲去嶺岩堯蘭嶽峻駢闐石路整池北樹如

浮竹外山猶影自來彌望一作及君臨箕頓清文蔚且

詠微言超一作已領不見城壕側思君朝夕頃廻舟方在

辰何以慰延頸

同羈夜集

積念隔炎涼曩言始今夕已對濁樽酒復此故鄉客霜月
始流砌寒蟬早吟隙幸籍京華遊邊城讌良席樵采咸共
同荆莎聊可籍恐君城闕人安能久松柏

謝朓集卷第四終



國家圖書館, NATIONAL CENTRAL LIBRARY, TAIWAN, R.O.C.



謝朓集卷第五

雜詩

奉和隨王殿下十六首

宋本無三字

玄冬寂脩夜天圍靜且開亭臯霜氣愴松宇清風來高琴
時以思幽人多感懷幸籍汾陽想嶺首正徘徊

其二

高秋夜方靜神居肅且深閒階塗廣路涼宇澄月陰嬋娟
影池竹疎蕪散風林淵情協爽節詠言興德音聞道空已
積重直愧蓬心

其三

愴愴緒風興祁祁族雲布嚴氣集高軒稠陰結寒樹日月



國家圖書館, NATIONAL CENTRAL LIBRARY, TAIWAN, R.O.C.

謬論思朝夕承清豫徒籍小山文空揖章臺賦

其四

星回夜未艾洞房凝遠情雲陰滿地榭中月懸高城喬木
含風霧行鴈飛且鳴平臺盛文雅西園富羣英芳慶良永
矣君王嗣德聲眷此伊洛詠載懷汾水情願已非麗則恭
惠奉仁明觀淄詠已失撫然愧簪纓

其五

肅景遊清都脩簪侍蘭室累榭踈遠風廣庭麗朝日穆穆
神儀靜惜惜道言密一餐擊靈表無吝科年曆

其六

神心遺魏闕冲想顧汾陽肅景懷辰換捐玦翦山楊時惟

清夏始雲景曖含芳月陰洞野色日華麗池光草合亭臯
遠霞生川路長端坐聞鶴引靜瑟愴復傷懷哉泉石思歌
詠鬱瓊相塘春多迭駕言從伊與商家職眷英覽獨善伊
何忘願輟東都遠弘道侍云梁

其七

清房洞已靜閒風伊夜來雲生樹陰遠軒廣月容開宴私
移燭飲遊賞籍琴臺風猷冠淄鄴衽烏愧唐枚

其八

方池含積水明月流皎鏡規荷承日沚影鱗與風泳上善
叶淵心止川測動性幸是芳春來側點游濠盛

其九

浮雲西北起飛來下高堂合散輕帷表飄舞桂臺陽遙階
收委羽平地如夜光眷言金玉照顧慚蘭蕙芳

其十

睿心重離析岐路清江隈四面寒飈舉千里白雲來川長
別管思地迥翻旗回還顧照陽關超遠章華臺置酒巫山
日爲君停玉杯

十一

桂樓飛絕限超遠向江岐輕雲霧廣甸微風散清漪連連
絕鴈舉渺渺青煙移巖城亂芸草霜塘凋素枝氣爽深遙
矚豫永聊停曦一作已終可悅盈思且若斯

十二

炎光缺風雅宗霸拯時淪龍德待雲霖令圖方再展歲遠
荒城思霜華宿草陳英威遠如是徘徊岐路人

十三

念深冲照廣業闡清化玄端儀穆金殿教藻瓊筵船湛
輕帷藹磬轉芳風旋卷轡棲道樹方津棹法舫歸興憑大
造昭塗良易筮

十四

分悲玉瑟斷別緒金樽傾風入芳帷散缸華蘭殿明想折
中園草共知千里情行雲故鄉色贈子離聲

十五

年華歲已終夜艾賞方融新萍時合木野草未勝風閨幽

琴易響臺迴月難中春物廣餘照蘭萱佩未窮

十六

漣漪映餘雪巖城限深霧清寒起洞門東風急池樹神居
望已肅徘徊舉冲趣棲歸如歸詠丘山不可屢

宋作歸詠此語
近刻

詠風

徘徊發紅萼歲蕤動綠苑垂楊低復舉新萍合且離步檐
行袖靡當戶思襟披高響飄歌吹相思子未知時拂孤鸞
鏡星鬢視參差

詠竹

前窻一叢竹青翠獨言奇南條交北葉新筍雜故枝月光
疎已密風來起復垂青扈飛不礙黃口得相窺但恨從風

籬根株長別離

詠薔薇

低枝詎勝葉輕香幸自通發萼初攢紫餘采尚霏紅新花
對白日故藥逐行風參差不俱曜誰肯盼薇叢

詠蒲

離離水上蒲結水散為珠間厠秋菡萏出入春鳧雛初萌
實雕俎暮菜雜椒塗所悲堂上曲遂鑠黃金軀

詠兔絲

輕絲既難理細縷竟無織爛熳已萬條連綿復一色安根
不可知縈心終不測所貴能卷舒伊用蓬生直

詠落梅

宋作堂虛石
作糖

新葉初冉冉初葉新菲菲逢君後園燕相隨巧笑歸親勞
君玉指摘以贈南威用持插雲鬢翡翠比光輝日暮長零
落君恩不可追

遊東堂詠桐

孤桐北窻外高枝百尺餘葉生既婀娜葉落更扶疎無華
復無實何以贈離居裁爲圭與瑞足可命參墟

詠牆北梔子

有美當階樹霜露未能移金華發未采映日以離離幸賴
夕陽下餘景及西枝還思照綠水君階無曲池餘榮未能
已晚實猶見許復留傾筐德君恩信未貲

同詠樂器

琴

洞庭風雨幹龍門生死枝雕刻紛布漢冲響鬱清危一作危
春風搖蕙一作綺草秋月滿華池是時操別鶴滔滔客淚垂

琵琶

宋本此首第一

王融

抱月如可明懷風殊復清絲中傳意緒花裏寄春情掩抑
有奇態淒鏘多好聲芳袖幸時拂龍門空自生

箎

宋本此首第二

沈約

江南簫管地妙響發孫枝殷勤寄玉指含情舉復垂雕梁
再三繞輕塵四五移曲中有深意丹誠君詎知

同詠坐上器玩

烏皮隱几

蟠木生附枝刻削豈無施取則龍文鼎三趾獻光儀勿言
素韋潔白沙尚推移曲躬奉微用聊承終宴疲

竹檳榔盤

宋本此首第一

沈約

稍風有勁質柔用道非一平織方以文穹成圓且密薦羞
雖百品所貴浮天實幸承歡醕餘寧辭嘉宴畢

同詠坐上所見一物

席

宋本此首第四

柳惲

本生朝夕池落景照參差汀洲蔽杜若幽渚奪江籬遇君
時采擷玉座奉金卮但願羅衣拂無使素塵彌

同前

宋本此首第二

柳惲

照日汀洲際搖風綠潭側雖無獨璽絲幸有青袍色羅袖

少輕塵象牀多麗飾願君蘭夜飲佳人時宴息

慢

王融

幸得與珠綴幕歷君之楹月映不辭卷風來輒自輕每聚
金爐氣時駐玉琴聲但願致樽酒蘭缸當夜明

簾

虞炎

青軒明月時紫殿秋風日曛曛引光輝掩曖映容質清露
依檐垂蛸絲當戶密寒開誰共臨掩晦獨如失

詠竹火籠同前

庭雪亂如花井水聚成玉因炎入貂袖懷溫奉芳壽體密
用宜通文邪性非曲本自江南並嬈娟脩且綠暫承君玉
指請謝陽春旭

同前

詠竹火籠

宋本此首在前

沈約

結根終南下防露復結
雲雖爲九華扇聊可滌炎氣安能
偶狐白鶴卵織成文
覆持簪者被百和吐氛氲忽爲織手
用歲暮待一作羅裙

詠鏡臺

玲瓏類丹檻若亭似玄闕對鳳鸞
清水垂龍挂明月照粉
拂紅粧插花理雲髮玉顏徒自見
常畏君情歌

詠燈

發翠斜溪裏
碧巖山峰抽莖類
僊掌銜光似燭龍飛蛾
再三繞輕花四五重
孤對相思夕空照舞衣縫

詠燭

一作

杏梁賓未散桂宮明
欲沉暖色輕帷裏
低光照寶琴徘徊
雲髻影的樂綺疏
金恨君秋月夜遺我洞房陰

詠邯鄲故才人嫁爲斯養卒婦

生平宮閣裏出入侍丹墀
開笥方羅縠窺鏡比蛾眉
初別意未解去久日生悲
憔悴不自識嬌羞餘故妾
夢中忽彷彿猶言承燕私

詠鷓鴣

蕙草含初芳瑤池暖晚色
得廁鴻鸞影晞光弄羽翼

聯句

阻雪

積雪皓陰池北風鳴細枝
九達密如繡何爲遠別離
風庭

舞流霰冰沼結文漸飲春離以煥欽覽紛若馳江秀珠囊
條間響玉留檐下垂杯酒不相接寸心良共知王丞飛雲
亂無緒結冰明曲池雖乖促席燕白首信勿虧王蘭陵
素筵簷溜蠟結噎通岐樽壘如未澣况乃限音儀謝吳原
照望徒倚松筠竟不移隱憂而菅樹忘懷待山巵謝中初
昕逸翮舉日吳駑馬疲幽山有桂樹歲暮方參差沈右

還塗臨渚

綠水纈清波青山繡芳質落景皎晚陰殘花綺餘日何從
白沙澹無際青山眇如一傷此物運移惆悵望還律吳白
水田外明孤嶺宋作松上出卽趣佳川淹淹留非下秩府

紀功曹中園

蘭亭仰遠風芳林接雲萼傾葉順清飈脩莖佇高鶴何從
連綿夕雲歸暎曖日將落寸陰不可留蘭輝豈停酌吳丹
纓猶照樹綠筠方解籜永志能兩忘卽賞謝丘壑府

閒坐

雨洗花葉鮮泉漫芳塘溢籍此閒賦詩聊用蕩羈疾陳霽
霏微雨散威蕤蕙草密預籍芳筵賞沾生信昭悉紀功
葵窗外舒青荷池上出旣闔賴川扇且臥淮南秩府
蕩晚陰行雲掩朝日念此蘭蕙客徒有芳菲質何從
侍筵西堂落日望鄉

沉病已綿緒一作負官別鄉憂高城淒夕吹時見國煙浮

曹漢漢輕雲晚颯颯高樹秋鄉山不可望蘭卮且獻酬府君

曼高識氣迥泉停知潦收幸遇慶筵一作渥方且一作沐

恩猷功曹芸黃先露早騷瑟一作驚暮秋舊城望已肅況

乃客悠悠何從

祀敬亭山春雨

水府衆靈出石室寶圖開白雲帝鄉下行雨巫山來府君歌

風讚靈德舞蹈起輕埃高軒乍留吹玄羽或徘徊何從福

降羣僊下識逸百神該青鳥飛層隙赤鯉泳瀾隈齊舉

往敬亭路中

山中芳杜綠江南蓮葉紫芳年不共遊淹留空若是府君淶

水豐漣漪青山多繡綺新條日向抽落花紛已委何從

弱菱既青翠輕莎方霍靡鷺鴒沒而游麇麇騰復倚齊舉

春岬望沈沈清流見瀾瀾幸藉人外遊盤桓未能徙陳鷺

柰把瓊芳隨山訪靈詭榮楯每嶙峋林堂多碣礪府君

宣城集原本十有宋樓昭知宣州止以上五卷賦典詩

付梓以下五卷皆當時應用字文可采者已見本傳及

蕭梁文選可以無傳此本為明嘉靖丁酉任邱警菴黎

晨所刻最為純繆又正德辛未康對山序劉紹刊本萬

曆已邠宣人梅鼎祚序史司理刊本及新安汪士賢本

俱其任本不甚相遠其中顛倒舛誤幾難枚舉每讀

是集往往慨之嘉慶初元海昌吳文槎客借得盧抱

經學士家藏依宋校本刊入愚谷叢書中勘校精密如
見東易舊刻惜版藏於家不能粹致令妻偶至麗內
淫友人處假得之而隄養疴因取任本細為奉校凡
閱兩日而畢因書誌之時
道光唐寅夏五月六日也

蛛隱病夫龔文照識於翠岳雲壑叢書集



謝眺字玄暉宋僕射景仁之孫少有美名齊隋王子隆
以爲文學未幾求還都除新安王記室尋兼尚書殿中
郎宣城王鸞輔政以爲驃騎諮議掌中書詔誥轉中書
郎出補宣城太守後遷至吏部郎兼衛尉永元初江柘
謀立始安王遙光引以爲黨不從收下獄死年三十六

謝宣城集